

Zeitschrift: Igl Ischi : organ della Romania (Societat de Students Romontschs)
Herausgeber: Romania (Societat de Students Romontschs)
Band: 13 (1911)

Artikel: Il crieu ded aur : dedicau als purs romontschs
Autor: Carnot, Maurus
DOI: <https://doi.org/10.5169/seals-881982>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 06.05.2025

ETH-Bibliothek Zürich, E-Periodica, <https://www.e-periodica.ch>



Il crieo ded aur.

Dedicaü als purs romontschs.

Sin Crestas schai greppus e teis
Igl er dil pur Flurign.

Da miez Avrel leu aran treis,
Bab, mumma cun lur pign.
Tschaghèra roccla tras la val,
Dus bos zacudan il stadal,
Davon giu las totonas pendan,
E grevamein las travs sefendan.



Il buob sedrova d'empalar,
Ils dus tgaumogns van plaun
E lessen entraviers passar,
La tretscha tagl' il maun,
Las gaultas brischan al mattatsch,
El bratta mintgaton il bratsch —
Il crieo fa giomers e sviescha,
Ch' il bab murmugna e smuldescha.

La mumma va cul tgau a bass
 E sdrappa il zarclem
 E mira mintga quater pass
 Ensi tier il Suprem:
 «O fai la crusch sul pauper pur
 Che fa cun grettas la lavur! —
 Sche nus luvrein aschi malidi,
 Co lein nus aunc, ch'il Segner gidi?»



Snueivel va il crieu afuns —
 Hist! hott! va 'i tur a tur.
 Ils stels daghiran sco izuns
 Ord tuts cavegls dil pur.
 «Quei ei strapaz de tut sesfar,
 Ei zucadem de sestrunglar!
 Sche vul ei infinita possa
 Per far al graun la pintga fossa!»



Uss ein ils suolcs osum menai,
 Il crieu per tiara vi;
 Uss stauschan o, dal giuv spindrai,
 Ils bos lur berls stendi.
 Selegra pur, baul vegn tiu er
 A spender monas pil garner!
 Mo pur Flurign fa tschera brutta,
 Sco sch'el havess la bratscha rutta.

«Pilver, jeu sun dil crieu unfis,
 Traso cul nas el tratsch!
 Ils auters han il paradis,
 Il pur ei in pupratsch.
 Schi liung e lad sco il solegl
 Sclaresch' il mund cun siu lamegl,
 Ei franc il crieu la menadira
 La pli macorta, la pli stgira.»



Igl er schi grevamein araus
 Retscheiva il dumiec,
 Vegn arpagiaus e vegn rischlaus,
 A casa va il crieu,
 Ed en clavau bein ed endretg
 Ruauss' el staunghels sut il tetg.
 Sigl er ei tut murtgiu ed eri,
 Tut sco las fossas sin senterì.



Sur las montognas vegn il Matg
 Culs dis sereins e blaus,
 Cun plevias lomas gest sco latg
 Buent' el ers e praus.
 Sin Crestas miran ils verdins
 Ord tgina aunc pignets, zaclins,
 E beiban di per di rugada
 E vegnan bials e fan parada.

Ei vegn sogn Gion de mesa-stad,
 Ch'ei schi pussents e buns;
 Il caul fagugn, quel ei siu flad,
 Ses égls ein sco tizuns:
 El tegn il bratsch sur seifs e pals,
 Igl er fa ussa crests e vals,
 Las spias melnas benedidas
 Ein ledas sco d'amur surpridas.



La stad ei ida tras la val,
 Las schualmas ein daven;
 Las monas schaian sigl iral —
 In di de legherment!
 «Ei dat o bein, dat massa paun,
 Quei dat per pardanonzas graun,
 Dat pettas finas tier la groma!»
 Cun mauns a Diu la mumma cloma.



Flurign il pur sto consentir,
 La dunna ha raschun;
 La fatscha brutta fa de rir,
 Mirond sil grev mantun.
 Furschond ils pugins di el da bass,
 Sco sch'el empau seturpigiass:
 «Lavurs maltscheccas, tarladidas —
 Pli legher eis ei, far ventschidas!»

Han buc ils bos sin prau megiu?
Gebein, da legherment!
Il bien solegl va da rendiu,
Il criecl sut tetg sclarend.
Cheu clom' il buob, stend sil dumiecl:
Mirei! Ded aur ei oz nies criecl!»
E mumm' e bab dad ault confessan:
«Nies criecl ded aur! Con rehs nus essan!»

P. Maurus Carnot.

